

ՀԱՄԱՅՆՔ

ՀԱՅ ՅԵՂԱՓՈԽԱԿԱՆ ՇԱՐԺՄԱՆ ՀԻՄՔԸ

ՀԱՅ ԳԻՒՂԱՅԻՆ Է

Ամենուն յայտնի է, որ յեղափոխական շարժումների բուն պատճառը տնտեսական հարստաճարութիւնն է՝ որը ազդում է ժողովրդի զարգացման եւ իւր թշուառ դրութիւնը ըմբռնել կարող լինելու աստիճանին համեմատ: Տնտեսական հարստաճարութիւնը որ կայանում է այս կամ այն միջոցով արդիւնաբերող դասակարգի ձեռքից իւր աշխատութեան արդիւնքը խլելում, կատարվում է զանազան ձեւերով, յարմարուելով տեղական արդիւնաբերութեան տարբեր եղանակներին եւ տալիս է յեղափոխական շարժման այս կամ այն ուղղութիւնը: Որովհետեւ արդիւնաբերութիւնը բաժանվում է երկու գլխաւոր տեսակի՝ արհեստական եւ երկրագործական, եւ որովհետեւ արդիւնաբերութեան այդ երկու եղանակները կեղեքելու համար հնարուած են տարբեր ձեւեր, յեղափոխական շարժումն էլ ստանում է երկու որոշ ուղղութիւն, իրեն յատուկ ծրագրով եւ գործածելիք միջոցներով:

Ուր որ ժողովուրդը բացառապէս պարապում է արհեստներով եւ իւր կեանքը մաշեցնում գործարաններում, այնտեղ թշուառ գործաւորներն են որ ներկայացնում են յեղափոխական տարրը: Այդ տեսակ չըջանում յեղափոխական շարժումը ստանում է իրան յատուկ մի ընթացք, պահանջում է իրան յատուկ ուղղութեամբ պրօպագանդ, օգտվում է իրան յատուկ գրգռութիւններից եւ իրան յատուկ միջոցներով ստատիսցնում է իւր հարստաճարի թշնամիներին:

Իսկ ուր որ ժողովրդի ահագին մեծամասնութիւնը կիզիչ արեւի տակ կեռացած ապերախ գութանին վերայ պարապում է երկրագործութեամբ եւ ձմեռը մի գլխով տաք կերակուրի, մինչեւ իսկ մի կտոր չոր հացի կարօտ է մնում, այնտեղ գիւղացու աշխատութիւնից կոշտացած ձեռքն է, որ բարձրացնում է յեղափոխական դրօշակը եւ առաջ մղում իւր փրկութեան կոչը:

Եւ իրան յատուկ ուղղութեամբ եւ միջոցներով: Մեքենաների պէս աշխատող գործաւորների եւ անասունների պէս տքնող մշակների, մարդկութեան այդ երկու արդիւնաբերող մեծ դասակարգերի յեղափոխական շարժման նպատակը միեւնոյնն է, — երկուքն էլ ձգտում են ազատել իրանց աշխատութեան արդիւնքը:

Այս ամբողջ հարստաճարուած մարդկութեան նպատակը իւր տնտեսական բացարձակ ազատութիւնն եւ անկախութիւնն է. բայց այդ ամենուն հաւասարապէս ցանկալի նպատակին համեմու համար իւրաքանչիւր դասակարգ օգտվում է իրան չըջապատող հանգամանքներին աւելի յարմար եղող յեղափոխական միջոցներից: Եթէ ուշադրութեամբ քննենք Եւրոպայի յեղափոխական շարժումը, անմիջապէս կը նշմարենք երկու յեղափոխական ահեղ բանակներ իրանց յատուկ զէնքերով, ծրագրով եւ կազմակերպութեամբ:

Իրանդիայի եւ Սիցիլիայի ժողովուրդները, որ մեծ մասամբ հողագործներ են, իրանցից իսկուած հողը յետ ստանալու եւ համայնականացնելու համար իրենց վրէժիւնդրութիւնը թափում են հողագործութեամբ չը պարապող հարուստ հողատէրերի եւ նրանց պաշտպանող կառավարութեան պաշտօնեաների եւ հարկահանների դէմ:

Մինչդեռ գործարաններում հալումաչ եղող գործաւորները յայտնի ընկերութիւններ են կազմում, բազմաթիւ միթիւնքներում իւրեանց գեղեցիկութիւնը յայտնում, գործադուլներով իւրեանց անտանելի դրութեան դարման փնտռում եւ երբեմն վաճառանոցներ աւարի տալով ստատիքանին պատառ պատառ անող քաղցածութեան սաստկութիւնը հռչակում:

Այս երկու յեղափոխական բանակները օրից օր աւելի մօտենում են իրար եւ հեռու չէ այն կարմիր օրը, որ ցեխի մէջ թաթախուած մշակը միայն աճուխի մուրից սեւացած գործաւորի հետ վերջ կը գնեն իրանց թշուառութեան պատճառ եղող կարգերին եւ օրէնքներին:

Այս մի քանի սողերով ցոյց տալուց յետոյ

երկու յեղափոխական բանակների գոյութիւնը իւրեանց յատուկ պատճառներով, ծրագրով եւ գործունէութեան միջոցներով, երբ խօսքներս ուղղւում ենք մասնաւորել հայերի յեղափոխական շարժման մասին եւ նրան տեղ տալ այդ երկու բանակներից միսում, առաջին հայեացքով իսկ համոզվում ենք, որ այդ շարժման հիմքը հայ գիւղացու վերին աստիճանի հասած թշուառ գրութիւնն է: Հայերն իրենք ընակվող հայերի ահագին մեծամասնութիւնը երկրագործներ են, որոնց գրութիւնը այլուստ անտանելի է դարձել: Հայ արհեստաւորների գրութիւնն էլ նախանձնելի է, բայց այդ ճիւղում մեծ կապիտալիստական արդիւնաբերութիւնը դեռ հիմնաւորապէս մտած չը լինելով հայ արհեստաւորը իւր թշուառ կեանքը մի քանի ժամանակ էլ կարող է քաշ տալ, մինչդեռ հայ երկրագործը մահամերձ վիճակի մէջ է, իւր վերջին շունչը փչելով վրայ է: Այս երեւոյթի պատճառը թիւրքիայի հարկահանութեան գրութիւնն է: Թիւրքիան այն երկրներից է, ուր բացի անուղղակի հարկերը, ուղղակի հարկերի ամենամեծ մասը եւս բարդուած է աշխատող դասակարգի, մասնաւորապէս հողագործների վզին:

Մի քանի փաստերով հաստատունք ասածներս: Թիւրքիայի բիւզժէի եծած գոյն մասը կազմում է երկրագործների արդիւնաբերութեան եւ նրանց ընտանի կենդանիների վրայ դրուած տուրքը: Հարկը, որ ինքնին արդէն մի բռնաբարութիւն է, տասանորդական հարկի ձեւով դառնում է մի գծիային պատիժ ժողովրդի գլխին: Տասանորդական տուրքի միայն անունն է մնացել տասանորդական, իսկ ինքը այժմ հինգերորդական է դարձել, — փոխանակ արդիւնքի մի տասանորդը վերցնելու, երկու տասանորդ են վերցնում եւ գիտէք ի՞նչ անուշով են պահանջում այդ աւելորդ տասանորդը: հասարակաց կրթութեան եւ երկրագործական բանկերի հաստատութեան համար, մինչդեռ ժողովրդի նախաձեռնութեամբ բացուած մի քանի դպրոցներն էլ փակուած են կառավարութեան ձեռքով, եւ երկրագործական բանկերի տեղ, Համիդիէի հեծեալագործի ձիերը փշաջնում են երկրագործների նոր կանաչած արտերը: Զինուորական հարկը իռնպէս խեղդում է երկրագործ ժողովրդին: Իւրաքանչիւր արու, օրօրոցի մանուկից սկսած մինչեւ գերեզմանի դուռը հասած ծերունին 40 դրուչից աւելի է վճարում ապահովացնելու համար այն բանակի գոյութիւնը, որ իրանց գնտակահար կոտորում է:

Գոյութիւնն է՞նչեղող ճանապարհների համար իւրաքանչիւր անհատի վճարած 20 դրուչը չը պէտք է մոռանալ:

Առանց մանրամասնութեանց մէջ մտնելու

հաստատապէս կարող ենք ասել, որ 10 հոգուց մի գիւղական հայ ընտանիք մօտաւորապէս 1000 դրուչ տարեկան տուրք է տալիս:

Այս 1000 դրուչը մի ահագին գումար է մի այնպիսի երկրի համար, ուր հողորդակցութեան ճանապարհների պակասութեան պատճառով գիւղացու արդիւնաբերութիւնը ամենաչնչին արժէք ունի: Այդ 10 հոգուց բաղկացած ընտանիքի իւր գոյութեան համար ամբողջ տարուայ միջոցին սպառած ամեն տեսակ մթերքը՝ ուտելիք, հագնելիք, եւ այլն, 1000 դրուչի արժէք չունեն: Մի ընտանիք իւր ամբողջ ծախքին հաւասար տուրք վճարէ՛...

Այս չլուած հարստահարական գրութիւնը երկար չի կարող տեւել: Այսպիսի հանգամանքներում մի ժողովուրդ կամ բոլորովին պիտի սպառի եւ կամ ազատուի:

Թիւրքիայի քաղաքական եւ անտեսական ընթիւնը մահուան է դատապարտած իւր ամբողջ ազգայնակութիւնը: Պարբերաբար կրկնվող սովերը, մինչեւ իսկ ամեն տեսակ համաճարակ հիւանդութիւնները այդ քայքայված եւ հիւանդ կաղնակերպութեան ուղղակի հետեւանքն է:

Այն անգութ սովը, որ այսօր տիրում է թշուառ Հայաստանում, Թիւրքիայի ներքին կազմակերպութեան, եւ մասնաւորապէս նրա հարկային գրութեան արդիւնքն է:

Նոյնպէս այս գծիային տուրքերի արդիւնքն է, որ Հայաստանի գիւղացին օրից օր կորսնցնում է իւր նախահայրերի արիւնով ցողուած եւ իւր դառն քրտինքով շաղաղուած հողը յօգուտ վաշխառուների: Նա իւր հողը գրաւ է դնում եւ ծախում իւր հարկերը վճարելու համար: Չափազանցած չենք լինիլ, եթէ ասենք, որ հայ հողագործների կէսը իւրեանց հողը կորստույցած, յափշտակիչի քմահաճոյքին գերի դարձած, իբր նորուկ ծառայում են եւ վերջը սոված մնալով վայրի խոտեր, մինչեւ իսկ փուշերի միջուկը ուտելու ստիպվում: Միւս կէսն էլ գրեթէ առանց բացառութեան աներեւակայելի տոկոսներով բարդուած, պարտքերի տակ ճնշուած նոյն անտանելի դիրքի մէջ է գտնվում: Թէպէտ եւ իւր հողին տէրն է, բայց այդ հողատիրութիւնը մի ձեւական խաբէութիւն է վաշխառուների դժոխային գանգից դուրս եկած: Բացատրենք ասածնրս: — վաշխառուն մտածում է, որ եթէ հողին տիրէ, իւր եկամուտը անհամեմատ քիչ կը լինի այն տոկոսից, որ վճարում է գիւղացին, ձգելով իւր ընտանիքը եւ օտայի երկիր երթալով: Թշուառ մշակը իւր ամբողջ գլուխը քարէքար տալով արեան քրտինքով է շահում եւ լեցնում վաշխառուի բուռը: Խեղճ գիւղացին ոսկի յոյսերով օրօրվելով անընդհատ վճարում է, բայց իւր անիծուած պարտքը օրից

որ աւելանում է փոխանակ պակասելու: Երբ գիւղացին անընդունակ է դառնում այլեւս աշխատելու եւ տոկոսները վճարելու, ահա՛ այն ժամանակ միայն վաշխառուները խուժ են նրա հողը: Հարկերնեղով կարող ենք հաշվել այն հայ եւ թուրք, եւ ուրիշ ազգերի պատկանող վաշխառուները, որոնցից իւրաքանչիւրը տիրում է տասնեակ գիւղերի:

Մի քանի տարի էլ եւ ահա հայ գիւղացին զրկուեց բոլորովին իւր հողից: Հողից զրկուած գիւղացին ծառից պոկ եկած տերեւի նման հողմերից քշվելու, փշրվելու եւ ջնջվելու է դատապարտուած: Հող չունեցող գիւղացին կեանք չի կարող ունենալ: Այս ամենին վրայ աւելացնենք բարբարոս կառավարութեան գազանութիւնները եւ քաղաքական հարստահարութիւնները, այն ժամանակ գուցէ մի թոյլ գաղափար կարողանանք կազմել հայ գիւղացու օրհասական վիճակի մասին:

Այո՛. հայ գիւղացին մահուան ճգնաժամումն է, բայց ուրախալին այն է, որ հերոսական ճիգեր է թափում ինքնիրան փրկելու համար այդ սոսկալի կորստից: Հայ գիւղացին պարզել է յեղափոխական կարմիր դրօշակը, — Սասուն, Մուշ, Ալաշկերտ հայ մշակի արիւնով ներկված սրբազան վայրեր են այլեւս: Յեղափոխական հուրը տարածվում է ամեն կողմ եւ օրից օր աւելի բողբոջւում: Հայ գիւղացու թշուառ դրութիւնն է, որ նրւթ է մատակարարում այդ անընդհատ սաստկանալու վրայ եղող կրակին: Հայ գիւղացին, որչափ էլ թշուառացած լինի, երբ նա իւր անել դրութիւնը զգալով յեղափոխականի ճակատագիրն է գրկել, այլեւս ապահով է նրա ապագան: Հայ մշակը յեղափոխական է դարձել, այլեւս նրա համար մահ, կամ կորուստ չ'կայ:

Եւրոպայի հողագործների յեղափոխական կեանքից օրինակ վերցնելով, գիտակցաբար գործող բոլոր յեղափոխականներս պարտաւոր ենք մի որոշ ուղղութիւն եւ գաղափարական լայն ձաւոր մտցնել այդ շարժման մէջ. մենք պարտաւոր ենք նրան տալ մի բարոյական ընդհանուր կապ, համերաշխութիւն ներշնչել այն գործունէութեան մէջ, որի նպատակը պիտի լինի հողի ընդ միշտ համայնականացնելը եւ հարկերի խալառ ջնջումը:

Հողի համայնականացնելը միայն կարող է բաւականութիւն տալ եւ ապահովացնել յեղափոխական կրակի մէջ ընկած թշուառ հայ գիւղացուն: — Հայ գիւղացի՛, հայ մշակ, հողի համայնական սեփականութիւնը քեզ համար նոր չէ՛, դու դարերով ապրել ես այդ դրութեամբ: — դու գիտես, որ հողը մշակողին է պատկանում. — դու ես աշխատողը եւ հողը քոնը

պիտի լինի: Զոհիբ ամեն բան ձեռք բերելու եւ ազատութեամբ վայելելու համար քո հողը, որ քո կեանքն է:

ՅԵՂԱՓՈՒԱԿԱՆ

ԿԱԶՄԱԿԵՐՊՈՒԹԻՒՆ

Սակաւ չէ պատահում լսել այս կամ այն յեղափոխականի բերնից ցաւակցութիւններ, որ գոյութիւն չ'ունի մի բաւական ընդարձակ եւ ուժեղ ընդհանուր յեղափոխական կազմակերպութիւն ժողովրդի դասը հաստատ եւ վստահ առաջ տանելու համար, որի շարքում ինքն եւս կարողանար գործել, փոխանակ ձեռնածալ նստելու:

Անշուշտ, շատերի համար դա մի պարզ գիմակ է, որով ծածկում են իրենց անշարժութիւնը եւ մեռելութիւնը. միւսերի համար դա մի արհեստական ինքնախարութիւն է, որով աշխատում են մեղմացնել այն ներքին անհանգստութիւնը, որ առաջանում է մարդու մէջ համոզմունքների եւ վարմունքի, խօսքի եւ գործի հակասութիւնից: Բայց շատ շատերն էլ այն կարծիքի են, որ անհրաժեշտ է նախ եւ առաջ ձգտել յեղափոխական ոյժերի մի ընդհանուր կազմակերպութիւն ստեղծելու:

Պէտք է համաձայնուել վերջիններս հետ, որ ամեն մի գործ, որը պահանջում է բազմաթիւ մարդկանց հաւաքական ջանքեր, — առաւել եւս յեղափոխական գործը, որի նպատակն է կործանել դարերից ի վեր գոյութիւն ունեցող հասարակական ֆեոտալ կարգերը, — այն ժամանակ միայն կարող է հաստատ եւ արագ լուծում ստանալ, երբ այդ ջանքերը որոշ կերպով կարգաւորուած են, երբ նրանք համերաշխ ուղղված են ընդհանուր թշնամու դէմ:

Բայց ահա՛ ինդիվիդ. ինչպէ՞ս կազմակերպել յեղափոխական ոյժերը, երբ այնքան բազմաթիւ տեսական տարաձայնութիւններ գոյութիւն ունեն, որքան այժմ հայ յեղափոխականների մէջ: Ի՞նչպէս միացնել իրար հակասող սկզբունքները, իրար մերժող ծրագիրները:

Գուցէ ոմանք պատասխանեն, որ պէտք է նախապէս մի սոսական համերաշխութիւն կայացնել յեղափոխականների մէջ, պէտք է ապացուցանել իրար այս կամ այն պողափարի սխալ լինելը, այս կամ այն ուղղութեան տարաժամանակ լինելը եւ յետոյ, բողբոջն հաւաքելով մի դրօշակի տակ, ընդհանուր մի յեղափոխական դաշնակցութիւն կապել:

Այդ ամենը սքանչելի կը լինէր, անշուշտ, եթէ միայն մենք մի որոշ չափ ունենայինք, մի անսխալ չափ, որի համեմատ կարելի լինէր ճշմարիտ յայտարարել մի որ եւ է գաղափար կամ սխալ ճանաչել մի ուրիշ հայեացք: Բայց դժբախտաբար այդպիսի կրիտէրիումը անհնարին է գտնել եւ չի կարող էլ գոյութիւն ունենալ այժմ, երբ հասարակական գիտութիւնը դեռ բոլորովին անմշակ է, երբ նա դեռ իր զարգացման սաղմային աստիճանի մէջ է գրտնվում: Հէնց այն հանգամանքը, որ բոլոր գոյութիւն ունեցող հասարակական թէօրիաները վիճելի են, ցոյց է տալիս նրանց անկատար լինելը, նրանց գիտական արժէքի համեմատական չափը: Անհերքելի գիտական ճշմարտութիւնները վիճաբանութեան չեն ենթարկվում, այլ անհրաժեշտ կերպով ընդունվում են:

Միամտութիւն կը լինէր կարծել, որ այս կամ այն գաղափարը քարոզելով, այս կամ այն ուղղութեանը պատկանող բոջիւլիւններ ու հրատարակութիւններ անելով կարելի կը լինի գաղափարական միութիւն կայացնել յեղափոխական բանակի մէջ: Այդպիսի յոյսեր տաժել կարող են միայն սահմանափակ պարզամիտները, կոյր ֆանատիքոսները:

Նոյն անյաղդութիւնը կունենայ եւ մի ուրիշ, արդէն փորձուած միջոց, որ կայանում է հետեւեալում: աշխատել միաւորել զանազան ֆրակցիաները փոխադարձ զիջումներ անելով: Եւ իրաւ, ինչպէս կարելի է վստահանալ հիմնել մի ուժեղ եւ տեղական կազմակերպութիւն, ուր մի և նոյն կենտրոնի ղեկավարութեան տակ միանում են այնպիսի անհատներ, որոնք համաձայն են միայն իրենց ծրագրերի ամենաընդհանուր եւ տեսական կետերի մէջ, մինչդեռ իրական գործունէութիւնը, իր բնաւորութեամբ միշտ լինելով մասնաւոր եւ կենսական, պահանջում է հէնց յատուկ և մասնաւոր տեսակէտների գործադրութիւն:

Ել չենք խօսում կենտրոնական կազմակերպութեան ուրիշ անյարմարութիւնների մասին: Այսքանը միայն ասենք, որ հայ յեղափոխականների մի խոշոր մասն իր կաշուի վրայ փորձեց այդ «կենտրոն»-ի կործանիչ ու վնասակար ազդեցութիւնը և ստիպուած եղաւ ձեռք քաշել այդ մտքից: Եթէ մինչև օրս այդ «կենտրոնները» վերջնականապէս չեն ոչնչացրել, քայքայման հասցրել գործը,

պատճառն այն է, որ գործը ինքը էական, օրգանական պահանջ է ժողովրդի համար և շարունակվում է կենտրոններից դուրս, նրանցից անկախ և շատ ժամանակ նրանց բոլորովին հակառակ:

«Ուրեմն, ձեր կարծիքով — կը պատասխանեն մեզ — յեղափոխական յոգների ընդհանուր կազմակերպութիւնը անհնարին է»:

Ամենևին ոչ: Մեր ասածից միայն այն է հետեւում, որ պէտք է ուրիշ միջոցներ և կազմակերպութեան նոր ձևեր որոնել, — որ պէտք է ոչ թէ ի զուր ջանքեր և ի զուր ժամանակ գործ դնենք լույսանուն գործունէութեան միութիւն կազմելու համար, այլ պէտք է գործել ամբողջ ուժով յանուն յեղափոխութեան, որից ինքն իրան ծնի միութիւն և հաստատուն կազմակերպութիւնը:

Թող ամեն մի ֆրակցիա, ինչքան էլ փոքր լինի ինչի նա, — թող ամեն մի խումբ, որ սերտ կերպով միացած է համոզմունքների նոյնութեամբ և կեանքի տեղական հանգամանքներով, պարզէ կուր գրօշակը:

Թող ամեն մի անհատ, որի երակներում շատ թէ քիչ եռում է կենդանի արիւն, գործագրի իր բոլոր նախաձեռնութիւնն և եռանդը:

Եւ երբ յեղափոխական բոլոր տարրերը, ինչ գոյնի և ինչ ուղղութեան էլ պատկանեն, կը գտնուեն դէմ ու դէմ թշնամու առջև, երբ նրանք մտքից կը լսեն հայ գեղջուկի ողբը, որի արիւն-քրտինքով սուլթաններն ու ցարերը շլացուցիչ, ճոխ օրգիաներ են սարքում, երբ նրանց աչքի առջև զինւորների սուլները կը փայլեն, խրուելով ապստամբ ժողովրդի մարմնի մէջ, երբ նրանց ականջին կը հասնի ամենայնոք վայրենութեամբ անպատված անմեղ կոյսերի և պատաւոր կանանց աղաղակը, երբ, վերջապէս, նրանց ընկերների յետեւից կը փակուին, գուցէ ընդ միշտ, բանտերի դռները, ուր մարդ կենդանի թաղված է մնում, — այն ժամանակ գործունէութիւնը, կեանքը կը մշակէ հայ յեղափոխականների համար գործելու մի ընդհանուր ծրագիր, այն ժամանակ այժման տեսական վէճերի տեղը կը բռնի մի գործ-

նական համերաշխութիւն զանազան կատարելապէս ինքնուրոյն խմբերի մէջ, որոնցից ոչ մէկը չի աշխատիլ միւսների գլխին կապել ո՛չ իր սկզբունքները, ո՛չ իր տաքտիկան, և այն ժամանակը միայն մենք կ'ունենանք մի ճշմարիտ կազմակերպութիւն, — մի կազմակերպութիւն, որ առաջացած կը լինի կենսական պայմաններից, գործ դրած ջանքերից, — մի կազմակերպութիւն, որ հիմնուած կը լինի գործող խմբերի անմիջական և սերտ յարաբերութիւնների վրայ:

Կազմակերպուելու համար պէտք է գործել: Գործել, անընդհատ գործել — ահա՛ դէպի կազմակերպութիւն տանող միակ ճանապարհը:

ՄԻՋԱԶԳՍՅԻՆ ՅԵՂԱՓՈԽԱԿԱՆ ՇԱՐժՈՒՄ

ԹԻՒՐԲԻԱ — Արբազան Աշըղեան պատրիարքի երկար ջերմ գործունէութիւնը անվարձադիր էր մնում հայ հասարակութեան կողմից. սրբազանը կրկնապատկելով իւր եռանդը սկսեց գործել. կոնդակներ ուղարկեց ամեն կողմ յորդորելով աջակցել իրեն Թիւրքիան ազատելու խռովայոյզ թափառաշրջիկներից, որոնք այլապէս յեղափոխական անունն են կրում. սահմանեց կրօնական տուրք և այդ դէպքում էլ օգնութեան կանչեց կառավարութեան զափտիաներին, նրանց իրաւունք տալով մտնել հայի տունը և յանուն հոգևորականութեան տարած խնամքի և յանուն հայրանամ պատրիարքի տուրք ժողովել:

Վերջապէս հասկացաւ հայ հասարակութիւնը, որ պէտք է վարձադրել այդպիսի մի գործիչին: Ի դիմաց հայ հասարակութեան Յակոբ անունով մի երիտասարդ ապրիլի 13 ուղեց վարձադրել ս. պատրիարքին տարձանակի երեք հարուածով: Գժրախտաբար փորձը անաջող էր, բայց թող չյուսահատուի ս. պատրիարքը. հասարակութիւնը երախտապարտ է դէպի իւր գործիչին:

Տրապիզոնից, ի միջի այլոց, մեզ գրում են.

„Քաղաքիս մէջ վայրենի, անտաշ խստու-

թիւներ կը բանացուին և զարմանք, որ ոստիկաններն և ոստիկանապետն ամենաստորագէտ մարդիկներ են, նոր եկող հայու մը ետեէն որոշ շան պէս կ'երթան:

Վերջերս կուսակալն գաղիական հիւպատոսարանէ խնդրած է Գաղղիայէն եկած առհասարակ բոլոր լրագիրներն ետ ղրկել: Հիւպատոսը գաղղիացիի մը յատկանշիչներն չունեցող պուշկար մը ըլլալով վերջապէս ընդունեց...“

Եւրոպական թերթերին հաղորդում են Պօլսից. — 29 ապրիլի. Անցեալ շաբաթ մի խումբ կօնտրաբանդիստներ փորձեցին Զմիւռնիա հանել արգելուած զէնքեր: Երբ նրանց հետամուտ եղան, ստիպուած ծովը ձգեցին բոլոր զէնքերը: Ջրասոյզները կարողացան հանել 9000 փամփուշտ և 30 ատրճանակ:

— Հայ աւազակները յարձակուել են թրքական մի պահնակի վրայ, որ գտնուում է Սիվազի և Անգօրայի մէջ տեղը:

ՌՈՒՍԱՍՏԱՆ — Մօտերքս Պերմսկի նահանգում Տագիլի գիւղացիներն անկարող լինելով վճարել իրանց վրայ բարդուած միքանի տարուայ հարկերը, որ նոյն իսկ ռուսաց օրէնքների դէմ անիրաւ պահանջում էին նրանցից, 8 հոգի են ընտրում և ուղարկում գաւառապետի մօտ, նկարագրելու իրենց գրութիւնը և խնդրելու, որ ազատեն իրենց այդ հարկերից: Գաւառապետը բանտարկել է տալիս այդ 8 պատգամաւորներին և ինքը անձամբ գնում է գիւղացոց ժողովին և հայհոյանքներ տալով հրամայում է ցրուեն: Գիւղացիք պահանջում են ազատել իրենց ընկերներին բանտից: Գաւառապետը կատաղած թուրը հանում է և կրկին հրամայում ցրուել: Գրգռուած ամբոխը յարձակում է գաւառապետի վրայ, փշրում նրա սուրը և մի լաւ էլ ծէծում: Նահանգապետը հեռագիր ստանալուն պէս հրամայում է երեք գունտ ուղարկել գիւղացիներին պատժելու համար: Եւ յիրաւ, վայրենի կատաղութեամբ հաւաքում են բոլոր գիւղացիներին և անխնահ ու անխտիր ծեծում մեծից մինչև պստիկը, ծերերին, երեխաներին: Երկու հոգի մեռնում են հար-

ւածները տակ, իսկ 70 հոգի ընկնում են հիւանդ և անկարող շարժուելու:

Մայիսի 2-ին գիշերը բազմաթիւ ձերբակալութիւններ տեղի ունեցան Մօսկվայում, Պետերբուրգում, Սմոլենսկում, Օրեոլում: Պետերբուրգում գաղտնի տպարան է գտնուել բանտարկեալների թուղթն են 2երմակ՝ վիճակագրական բիւրոյի գլխաւորը, Ստրուվէ երիտասարդ գիտնական, Ալէքսանդրովն իր կնոջ հետ: Սմոլենսկում նմանապէս մի գաղտնի տպարան են գտել: Օրեոլում ձերբակալւած են ինժեներ Կորոլեվը, Մարկ Նատանսօն իր կնոջ հետ՝ նոր Սիբիրից վերադարձած, և Լժովը:

Պետերբուրգի տպարանը պատկանում էր Նարոզնայա Վօլեա-ի կուսակցութեանը: Հրատարակում էին «Բանւորական թերթ» անունով մի լրագիր:

Վարչաւայում, Կոստիւշկոյի յեղափոխութեան (1794 թ.) հարիւրամեակի ցոյցերի առթիւ ձերբակալուեցան ապրիլի 17-ին 200-ից աւելի մարդիկ:

Զավէրցիայի (Վէհաստան) բամբակեգործարաններում աշխատում են 5000 բանւորներ, օրեկան 45-55 կօպէկ վարձով, մինչդեռ ֆաբրիկաներն ահագին շահեր են բերում տէրերին: Մարտի 8-ին բանւորները գործադուլ արին, երբ տէրերը ուզեցին վարձ վճարելու մի նոր ձև մտցնել, այն է՝ ոչ թէ արշինի համեմատ, այլ կտորի: Այդ նոր ձևը իջեցնում էր բանւորների շաբաթական վաստակը 45-50 կօպէկի չափ: Գործադուլ անող բանւորները պահանջում էին, որ հին ձևը պահպանուի: Այսպէս գործադուլը խաղաղ շարունակուեց մի շաբաթ, որից յետոյ տէրերը խոստացան բանւորներին 30000 ռուբլի օգնութիւն տալ (1 շաբաթուայ վարձը) և 10 հազար ռուբլի էլ եկեղեցի շինելու համար նուիրել: Բանւորները համաձայնուեցին և վերադարձան գործարանները աշխատելու նախկին պայմաններով: Բայց լուր տարածուեց, որ բոլոր խոստումները խաբեբայութիւն են և գործադուլը նորից սկսուեց: Այս անգամ բանւորները սպառնում էին գործադուլը չդա-

դարեցնել, մինչև որ խոստումները չկատարեն:

Այդ միջոցին կառավարութիւնը բազմաթիւ կօշակներ է ուղարկում Զավէրցի, որոնք 3 շաբաթ շարունակ ամենավրդովեցուցիչ կերպով հարստահարում են բնակիչներին, այնպէս որ սրանք կօշակների ձեռքից ազատւելու համար, փախչում և մի քանի ժամանակ թաղչում են մօտակայ անտառներում և դիւղերում: Վերջապէս կօշակները յետ կանչուեցան, թողնելով միայն «ապահովութեան խմբակ» և յոգնած, աղքատացած բանւորները նորից սկսեցին իրենց աշխատանքը: Խոստացուած 30000 ռուբլին վճարուեցան առաջի գործադուլից յետոյ:

ԳԵՐՄԱՆԻԱ — «Սօցիալիստ» թերթի խմբագիրը և երկու աշխատակիցները ձերբակալուած են....

Գերմանիայում մամուլը ազատ է:

ՀՈՒՆԳԱՐԻԱ — Հօգմէզցում գիւղացիները մի գաղտնի սօցիալիստական ընկերութիւն էին կազմել: Ընկերութեան մասնակցում էին մի քանի հազար գիւղացիներ: Կառավարութիւնը իմանալով այդ ընկերութեան մասին, կարգադրում է ցրել: Այդ դիտաւորութիւնը սաստիկ զրգուում է գիւղացիներին: Վասարէլիում մի շարժում է տեղի ունենում, որի ժամանակ ոստիկանները 4 հոգի են սպանում և 60-ին վիրաւորում:

Սօցիալիստական գաղափարները միմիայն բանւորներին չեն մատչելի, այլ նոյնպէս և գիւղացիներին:

ԻՏԱԼԻԱ — Սիցիլիայի և Մասսա-Կարրարի շարժումների վերջաբանը. — ղինւորական դատարանները 41 օրուայ ընթացքում դատապարտել են 497 հոգի, որոնց պատիժների գումարն է՝ 1657 տարի բանտարկութիւն, 20 տարի «գաղտնի» բանտարկութիւն և 54 տարի բերդարգելութիւն: Դատապարտուածների թուում կայ 6 երեխայ, որոնցից մէկը 11 տարեկան է:

ԻՍՊԱՆԻԱ — Բարցէօնում 6 յեղափոխականի մահի են դատապարտել և երկուսին ցմահ բանտարկութեան, որոնց յանցաւոր են ճանաչում իբրև Պալլասի ընկերներ:

Մարտի 23-ին նոյն քաղաքի բանտում, չը դիմանալով իր կրած տանջանքներին, մեռաւ Միշէլ Նաբէր յեղափոխականը: Մայիսի 10-ին նոյն բանտում մեռաւ Բօրրաս անունով յեղափոխականը:

Ասում են Իսպանիայում ինկվիզիցիան վերացրած է....

—o—

ԻՆՉ Է ԱԶԱՏՈՒԹԻՒՆԸ

Հատ հատորներ են գրուել այս կարևոր հարցի մասին, շատ վճիռներ են կտրուել, բայց մեզ ծանօթ յեղափոխական գրողներից և ոչ մէկին մինչև այսօր չի յաջողուել տալ նրան մի բոլորովին ճիշտ որոշում: Ոմանց համար ազատութիւն՝ ասել է, ունենալ իրաւունք անել այն ամենը, ինչ օրէնքը չի արգելում: Ուրիշ մի քանիսը, — որ իրանց համարում են խիստ ուժեղ և խելացի, սկզբունք ընդունելով, որ ամեն մի իրաւունք անհրաժեշտաբար կապուած է մի պարտականութեան հետ, պնդում են, որ ազատութիւնը չի կարող գոյութիւն ունենալ, եթէ «մի խելացի կարգադրութիւն չկառաւարէ բոլոր շարժումները, հաւասարակշռելով իւրաքանչիւրի իրաւունքները և պարտականութիւնները»: Եւ վերջապէս 1848 թականի Ֆրանսիական մեծ ներքիններն իրենց խելկատակ սահմանադրութեան մէջ որոշում են այսպէս. «ազատութիւնը — երթալու և գալու իրաւունքն է (.)»:

Մեր կարծիքով, ազատութիւնը կեանքի վայելումն է: Եւ այս պարզ որոշումը մենք համարում ենք միակ ճիշտը, միակ անվիճելի. ապրել՝ նշանակում է ունենալ լրիւ և ամբողջ ճանաչողութիւն իր էութեան, ազատ տիրապետութիւն իր ես-ի. վերջապէս — ասել է վայելել այն բոլոր իրաւունքներն ու առաւելութիւնները, որ անխցելի, անբաժան են մարդկային բնաւորութեանը: «Կատարեալ մարդ լինելու համար, պէտք է ազատ լինել» — ասել է մի փիլիսոփայ: Բայց ոչ դր չի կարող ազատ, այսինքն կատարեալ լինել մի բռնակալի իրաւունքի ու հսկողութեան տակ, մի

և նոյն է թէ արդեօք այդ բռնակալը մի մարդ է, թէ օրէնք:

Ազատութիւնը, ինչպէս կեանքը, մի է և չի կարող անպատիժ կերպով կտոր կտոր արուել. նա կամ կայ ամբողջ կամ չկայ բոլորովին:

Մտքերը մթնեցնելու, հասկացողութիւնները մոլորեցնելու նպատակով և կեղծօրէն պատճառաբանելով, որ մարդ երևում է բազմութիւ և տարբեր կերպարանքներով՝ քողարկել են ազատութիւնը բազմութիւ կոչումներով. ազատութիւն մամուլի, ազատութիւն ժողովների, քննութիւնների, խղճի, խօսքի, և այլն, և այլն. կարծես մարդկային կեանքի այս զանազան ձևերը մի ընդհանուր միութեան զանազան ձևերը չը լինեն: Կեանքը արտայայտվում է նոյնպէս տարբեր կերպարանքներով, մնացած բոլոր կենդանի արարածների մէջ, բայց և այնպէս մի՞թէ կեանքը մի՞ չէ իր էութեամբ և զարգացմամբ: Նոյն իսկ դուալիստներն ստիպւած են ընդունել այդ:

Մենք կրկնում ենք. ազատութիւն ասել է վայելումն կեանքի, իր բոլոր լիութեամբ, իր ամբողջ ու լրիւ զարգացմամբ:

Ազատութիւնը կամ անհատական ինքնավարութիւնը կարող է արդեօք միատեղ գոյութիւն ունենալ կենտրոնացման կամ ազգային ինքնավարութեան հետ: Ամբողջ հարցը դրա մէջն է: Դնել այդպիսի մի հարց ասել է արդէն վճռած լինել: Ազգը պարուհում է իր մէջ կառավարութիւն, իշխանութիւն, այսինքն առանձնաշնորհում, նախապատուութիւն, բռնակալութիւն, կամ ուրիշ խօսքերով՝ կանոններ, սահմաններ, որ դրուած են ամեն մի անհատի ազատ և կամաւոր ձգտումների հակառակ: Ազգի մէջ անհատական ազատութիւնը, այս բարձր բարոյական երաշխաւորութիւնը, առանց որի քաղաքացիների համար չկայ ճշմարիտ ազատութիւն, ճակատագրական կերպով և իրապէս միշտ զրկւում, հարստահարում է յօգուտ հաւաքական ամբողջութեան, այսինքն մի հիերոգլիֆական ֆիկցիայի (կեղծիքի) համար, որ հնարել են արտօնեալները և կեղեքիչները, որ աւելի ևս հաստատեն իրենց իշխանութիւնը ամբողջի վրայ: Ազգային հաւաքական ամբողջ

ընթացին անուշիկ տալիս են մի այնպիսի ան-
մենաանմիտ, ամենահրեշտաւոր բանի, որ դժուար
է երեւակայել՝ — բոլոր քաղաքացիների ամ-
բողջութեանը. և որոշում են այսպէս. «բոլոր
քաղաքացիները հաւասար են օրէնքի առաջ»:

Բայց ի՞նչ է օրէնքը:

«Մի արդար յարաբերութիւն» — ասում
է Սէն-ժիւստը: Ի՞նչ արդար յարաբերութիւն
կարող է լինել կառավարութեան և հպատակ-
ների, տիրոջ և ծառայի, կեղեքողի և կեղեք-
ւողի, վերջապէս աղքատի և հարուստի մէջ:
(Օրէնքը ոչ այլ ինչ է, եթէ ոչ մի ճշման,
ստրկացման գործիք. այլ կերպ էր էլ կարող
լինել, և այդ գործիքներից ամենազղուելին,
որովհետեւ նա առաջարկում է միշտ յանուն
արդարութեան և իրաւունքի: Կարծես թէ
իրաւունքը և արդարութիւնը, որ ծնունդ են
մարդկային խղճի ու գիտակցութեան, կարող
են ունենալ որեւէ ընդհանուր կապ այդ ան-
արդար բանի հետ, որ անդինք է թալանի,
կեղծիքի և խորամանկութեան:

Ազատութիւնը, ասացինք մենք, անհնար է
այնտեղ, ուր անհրաժեշտ է լինում իշխանու-
թեան գոյութիւնը:

Իշխանութիւնն ազգութիւնների, քաղաքա-
կան և վարչական կենտրոնացման ըզրկական
ու բնական հետեանքն է: Ուրեմն եթէ յե-
ղափոխութեան նպատակը լինելու է ազա-
տութիւնը — այս մասին ոչ մի կասկած չի
կարող լինել — ամենաանհրաժեշտ կերպով
պէտք է շատ բարձր յայտարարել ապակեն-
տրոնացումը, և հետեւեալ հաստատել հա-
սարակական խմբերի կազմակերպութիւնը,
ամենից առաջ հիւր ընդունելով համայնքների
ինքնիշխանութիւնը, զաշնակցական սկզբունքով:

Որ տիրապետողները և իրենց արքանեակ-
ները, ինչ որ էլ լինի, ուզում են պահպա-
նել ազգային մեծ ազգութեան (խմբերի)
հակահաւասարական սկզբունքը, այդ մենք
հասկանում ենք առանց դժուարութեան,
որովհետեւ սա նրանց համար գոյութեան հարց
է: Բայց երբ յեղափոխականներն են համա-
ձայնում հետեւել նոյն մոլորութիւններին՝ ահա
այդ արդէն անհասկանալի է լինում:

Աշխատաւորնե՛ր, ուզո՞ւմ էք ազատուած
լինել դրամատիրական զարհուրելի և անողորմ
կեղեքումից: Ուզո՞ւմ էք, որ ձեր ընտանիքից
բոլորովին կորչեն քաղցը, թշուառութիւնը
և նրանց բոլոր հետեանքները: Վերջապէս
ուզո՞ւմ էք դուք լինել ազատ — (որովհետեւ
լաւ իմացէք, միայն ազատութեամբ աշխա-
տաւորը կարող է յոյս ունենալ վայելելու
կեանքի բարիքները): Քննեցէք, ուսումնասի-
րեցէք ինչ որ խօսուում և կատարւում է ձեր
շուրջը. տեսէք, թէ ի՞նչ էք դուք, ի՞նչ տեղ
ունէք այն ազգերի գրկում, որոնց բարերար
խնամակալն են հռչակում ձեզ անդադար:
Ե՛նք ձեզանից չենք պահանջում, որ հաւա-
տաք մեզ միայն խօսքով: Ո՛չ: Ոչ մի բանի մի ք
համաձայնուիլ հաւատ ընծայեցէք միայն այն
բաներին, որ ձեզ համար բոլորովին պարզ են
և համաձայն ճշմարտութեան ու ձեր շահե-
րին: Թող կորչեն նրանք, որ ձեզ քարոզում են
կոյր հաւատ. ազատութեան թէ բռնակալու-
թեան անունից խօսեն նրանք, մի և նոյն է՝ —
նրանք անշուշտ ստախօս երեսպաշտներ են:

Թող բարի զգացմունքը, բանականութիւնը,
խելքը լինեն ձեր միակ առաջնորդը: Եւ այդ-
պիսի խորհրդատուներից ներշնչուած՝ ձեր
հասարակական դատարարութիւնը շատ
շուտ կը վերջանայ:

Ժողովրդական մեծ յաղթանակի օրը փշրե-
ցէք այն զարհուրելի կապոցը, որ անուան-
ւում է ազգային և կենտրոնացնող միութիւնը.
թօթափեցէք ձեզանից վարչական խնամակա-
լութիւնը. ոչնչացրէք օրէնքները, այդ ծանր
շղթաները, և յայտարարեցէք, որ Արդարու-
թիւնը, Աշխատանքը և Ազատութիւնը, իս-
ղաղութեան և սիրոյ այս քաղցը երկրորդու-
թիւնը միայն կոչուած կը լինի այսուհետեւ
աշխարհը կառավարելու:

Հեկտօր Մօրէլ:

Թերթիս դիմել հետեւեալ հասցեով.

W. Voynich. (Hamaink). 3, Ifley Road, 3.
Hammersmith, W., London.

Փարիզ. Միջազգային տպարան.